

Shona - Moyo MuMagwaro - Soul Scriptures

Mateo 11:28-30 “Uyai kwandiri, imi mose makaneta makaremerwa, uye ndichakupai zororo. 29 Takurai joko rangu, mudzidze kwandiri, nokuti ndiri munyoro uye ndine mwoyo unozvininipisa, uye muchawana zororo remweya yenu. 30 Nokuti joko rangu hariremi uye mutoro wangu wakareruka.”

Genesisi 2:7 Jehovha Mwari akaumba munhu kubva paguruva revhu uye akafemera mweya wopenyu mumhino dzake, uye munhu akava mupenyu.

Genesisi 34:2,3,8 Shekemu mwanakomana waHamori muHivhi, mutongi wenzvimbo iyo, akati amuona, akamutora akavata naye, uye akamunyadza. 3Mwoyo wake wakadokwairira Dhaina mwanasikana waJakobho, uye aida musikana uyu, uye akataura naye zvinyoronyoro. 8 Asi Hamori akati kwavari, “Mwanakomana wangu Shekemu anodokwairira mwanasikana wenu. Ndapota mupei henu iye kuti ave mukadzi wake.

Numeri 21:4 Vakafamba vachibva nokuGomo reHori vachitevedza nzira yaienda nokuGungwa Dzvuku, kuti vapoterere Edhomu. Asi vanhu vakaora mwoyo panzira;

Dhuteronomi 4:29 Asi kana mava ikoko mukatsvaka Jehovha Mwari wenu, muchamuwana kana mukamutsvaka nomwoyo wenu wose nomweya wenu wose.

Vatongi 16:16 Pakupedzisira mushure mokunge atambudzwa namashoko ake, zuva nezuva, achimugomedzera, akaneta zvokusvika parufu.

1 Samueri 18:1 Dhavhidhi akati apedza kutaura naSauro, Jonatani akanamatirana naDhavhidhi mumweya, uye akamuda sezvaaizvida iye.

1 Mambo - 1 Madzimambo 1:29 Zvino mambo akapika akati, “Kana Jehovha wangu ari mupenyu, uyo akandinunura pamatambudziko ose,

2 Mambo - 2 Madzimambo 4:27 Paakasvika kumunhu waMwari paGomo, akabata makumbo ake. Gehazi akanya achiti amusundire kure, asi munhu waMwari akati, “Murege akadaro! Nokuti ane shungu dzinomutambudza, asi Jehovha akandivanzira chinhu ichi uye haana kundiudza kuti imhaka yei.”

Jobho 7:11 “Naizvozvo handinganyarari; ndichataura pakurwadza kwomweya wangu, ndichanyunyuta mushungu dzomwoyo wangu,

Jobho 14:22 Anongonzwa kurwadza kwomuviri wake chete, agozvichema iye pachake bedzi.”

Jobho 19:2 “Mucharamba muchinditambudza nokundipwanya namashoko kusvikira riiniko?

Jobho 27:2 “Zvirokwazvo naMwari mupenyu, iye akaramba kundiruramisira, iye Wamasimba Ose, akaita kuti ndinzwe shungu pamwoyo wangu,

Jobho 30:25 Ko, handina kuchema avo vaitambura here? Ko, mweya wangu hauna kuva neshungu pamusoro pavarombo here?

MaPisarema 6:3,4 Mweya wangu uri kurwadziwa. Haiwa Jehovha, kusvikira riniko, kusvikira riniko? 4 Dzokai, imi Jehovha, mugondirwira; ndiponesei nokuda kworudo rwenyu rusingaperi.

MaPisarema 7:1,2 Haiwa Jehovha, Mwari wangu, ndinovanda mamuri; ndipone uye mundirwire pana vose vanondidzinganisa, 2 kuti varege kundibvambura seshumba nokundibvambura-bvambura pasina anondinunura.

MaPisarema 17:13 Haiwa, Jehovha, simukai, mirai pamberi pavo, vawisirei pasi; ndirwirei nomunondo wenyu pano wakaipa.

MaPisarema 23:3 anoponesa mweya wangu. Anondifambisa panzira dzakarurama nokuda kwezita rake.

MaPisarema 25:20 Rindai upenyu hwangu mugondinunura; ndirege kunyadziswa, nokuti ndinovanda mamuri.

MaPisarema 33:19 kuti avarwire parufu nokuvararamisa panzara.

MaPisarema 34:22 Jehovha anodzikinura varanda vake; hapana kana mumwe anovanda maari achapiwa mhosva.

MaPisarema 35:12,13 Vanotsiva zvakanaka zvangu nezvakaipa, uye vanosiya mweya wangu uchidzungaira. 13 Asi pavairwara, ndakafuka nguo dzamasaga ndikazvininipisa nokutsanya. Munyengetero wangu pawakadzokera kwandiri usina mhinduro,

MaPisarema 41:4 Ini ndakati, “Haiwa Jehovha, ndinzwirei ngoni; ndiporesei, nokuti ndakakutadzirai.”

MaPisarema 42:5,11 Wakasuwireiko, nhai mweya wangu? Unotambudzwa neiko mukati mangu? Isa tariro yako muna Mwari, nokuti ndichamurumbidzazve, Muponesi wangu naMwari wangu. 11 Wakasuwireiko, nhai mweya wangu? Unotambudzwa neiko mukati mangu? Isa tariro yako muna Mwari, nokuti ndichamurumbidzazve. Muponesi wangu naMwari wangu. (MaPisarema 42:6,11; 43:5)

MaPisarema 56:13 Asi ndiwe, munhu akaita seni, mumwe wangu, shamwari yangu yapedyo,

MaPisarema 69:10 Pandinochema nokutsanya, ndinofanira kushinga pakusekwa;

MaPisarema 69:18 Swederai pedyo mundinunure; ndidzikinurei nokuda kwavavengi vangu.

MaPisarema 86:13 Nokuti rudo rwenyu rukuru kwandiri; makandirwira paguva rakadzika.

MaPisarema 97:10 Vanoda Jehovha ngavavenge zvakaipa, nokuti anorinda upenyu kwavanhu vake vakatendeka uye anovarwira muruoko rwoawakaipa.

MaPisarema 107:9 nokuti anogutsa vane nyota, uye vane nzara anovazadza nezvakanaka.

MaPisarema 116:4 Ipapo ndakadana kuzita raJehovha ndikati, “Haiwa Jehovha, ndiponesei!”

MaPisarema 116:8 Nokuti imi, iyemi Jehovha, makarwira mweya wangu

**parufu, meso angu pamisodzi, uye makumbo angu pakugumburwa,
MaPisarema 119:28 Mweya wangu waziya nokusuwa; ndisimbisei sezvinoreva
shoko renyu.**

**MaPisarema 120:2 Haiwa Jehovha, ndiponesei pamiromo inoreva nhema,
nendimi dzinonyengera.**

**MaPisarema 121:7 Jehovha achakuchengeta pane zvose zvinokuvadza, iye
acharinda upenyu hwako;**

**MaPisarema 124:7 Tapunyuka seshiri yabva parugombe rwomuteyi; rugombe
rwadamburwa uye tapunyuka.**

**MaPisarema 138:3 Pandakadana, imi makandipindura; makandishingisa
nomwoyo wakasimba.**

**Fananidzo - Zvirevo 6:32 Asi munhuanoita upombwe, anoshayiwa njere; ani
naani anozviita anozviparadza iye pachake.**

**Fananidzo - Zvirevo 22:25 uti urege kudzidza tsika dzake, uye urege kuzviteya
nomusungo.**

**Jeremia 20:13 Imbirai Jehovha! Ipai rumbidzo kuna Jehovha! Iye anorwira
upenyu hwavanoshayiwa kubva mumaoko avakaipa.**

Jeremia 31:25 Ndichasimbisa vanenge vaneta nokugutsa vanenge vaziya.”

**Ezekieri 13:20,21 “ ‘Naizvozvo, zvanzi nalshe Jehovha: Ndinovenga mazango
enu amunoteya nawo vanhu kunge munoteya shiri, zvino ndichaadambura
pamaoko enyu; ndichasunungura vanhu vamunoteya seshiri. 21
Ndichabvarura mavhoiri enyu ndigoponesa vanhu vangu pamaoko enyu, uye
havachazovi nyama mumaoko enyu, uye havachazobatwizve nesimba
renyu. Ipapo muchaziva kuti ndini Jehovha.**

**Mateo 10:28 Musatya avo vanouraya muviriasi vasingagoni kuuraya mweya.
Asi mutye uyo anogona kuparadza zvose muvirinomweya mugehena.**

**Mateo 16:26 Ko, munhu achabatsirwa nei kana akawana nyika yose, asi
achirasikirwa noupenyu hwake? Kana kuti munhu acharipeiko kuti
adzikingure upenyu hwake? (Mako 8:36,37)**

**Mateo 22:37 Jesu akapindura akati, “ ‘Ida Ishe Mwari wako nomwoyo wako
wose, nomweya wako wose nokufunga kwako kwose.’**

**Mateo 26:38 Ipapo akati kwavari, “Mweya wangu uri kushungurudzika kwazvo
kusvika pakufa. Garai pano uye murinde pamwe chete nen.” (Mako 14:34)**

**Mako 12:30 Ida Ishe Mwari wako nomwoyo wako wose uye nomweya wako
wose nokufunga kwako kwose uye nesimba rako rose.’**

**Ruka 12:20 “Asi Mwari akati kwaari, ‘Iwe benzi, usiku huno chaihwo upenyu
hwako huchatorwa kubva kwauri. Zvino ndianiko achatora zvawanga
wazvigadzirira?’**

Ruka 21:19 Nokutsungirira kwenyu, muchawana upenyu.

**Johani 12:27 “Zvino mwoyo wangu uri kurwadziwa, uye ndichati kudiniko?
‘Baba, ndiponesei panguva ino?’ Asi, ndizvo zvandakauyira panguva ino.**

Mabasa aVapostori 14:22 vachisimbisa vadzidzi nokuvakurudzira kuti varambe

vari pakutenda. Vakati, “Tinofanira kutambudzika kuti tipinde muumambo hwaMwari.”

Mabasa aVapostori 15:24 Takanzwa kuti vamwe vakabva kwatiri vasina mvumo yedu vakakanganisa pfungwa dzenyu nezvavakataura.

1 VaKorinde 15:45 “Kuripiko kukunda kwako iwe rufu? Rwuripiko rumborera rwako, iwe rufu?”

1 VaTesaronika 5:23 Mwari pachake, iye Mwari worugare, ngaakuitei vatsvene kwazvo kwazvo. Mweya wenyu wose, nomwoyo uye nomuviri zvichengetwe zvisina mhosva pakuuya kwalshe wedu Jesu Kristu.

VaHebheru 6:19 Tine tariro iyi sechibatiso choMweya, chakasimba chisingazungunuswi. Inopinda mukati mechidzitiro chomutemberi,

VaHebheru 10:39 Asi isu hatizi ivo vokudzokera shure, uye vanoparadzwa, asi tiri vokutenda uye tinoponeswa.

Jakobho 1:21 Naizvozvo, bvisai tsvina yose uye nokuipa kwakawanda, mugogamuchira nokuzvininipisa, shoko rakasimwa mamuri, rinogona kukuponesai.

Jakobho 5:20 murangarire izvi kuti: Ani naani anodzora mutadzi kubva panzira yokudarika kwake, achamuponesa kubva parufu uye achafukidza zvivi zvizhinji.

1 Petro 1:9 nokuti muri kugamuchira chinovavarirwa nokutenda kwenyu, irwo ruponeso rwemweya yenu.

1 Petro 1:22 Zvino zvamakanatsa mwoyo yenu nokuteerera chokwadi kuitira kuti mude hama muzvokwadi, munofanira kudanana zvikuru, zvichibva pamwoyo.

1 Petro 2:11 Vadikani, ndinokukurudzirai, savatorwa navaeni munyika, kuti muzvidzore pakuchiva kwenyama, kunorwa nomweya wenyu.

1 Petro 4:19 Saka zvino, vaya vanotambudzika nokuda kwaMwari vanofanira kuzviisa kuMusiki wavo akatendeka uye vagoramba vachiita zvakanaka.

2 Petro 2:7,8 uye kana akanunura Roti, munhu akarurama, akatambudzika nokuda kwoupenyu hwetsvina hwavanhu vakanga vakatsauka 8 (nokuti murume uyu akarurama, agere pakati pavo zuva nezuva, akatambudzwa mumwoyo wake wakarurama nezviito zvavasakurama zvaakaona nezvaakanza),

3 Johani 1:2 Mudikani shamwari, ndinonyengetera kuti uve noutano hwakanaka uye kuti zvose zvikunakire kunyange sokufara kwomweya wako.